



Zenica, 07.09.2020. godine

**Svim osnovnim i srednjim školama
Zeničko-dobojskog kantona**

n/r direktora

Predmet: **Čestitka**, dostavlja se

Svim učenicima, roditeljima, nastavnicima, profesorima, organima rukovođenja i upravljanja škola, stručnim saradnicima i ostalim radnicima osnovnih i srednjih škola Zeničko-dobojskog kantona, **Ministarstvo za obrazovanje, nauku, kulturu i sport Zeničko-dobojskog kantona, želi sretnu i uspješnu novu školsku 2020/2021. godinu.**

Dragi učenici, upućujemo Vam najiskrenije želje za prosperitet i uspjeh u budućem radu, sticanju novih znanja i sposobnosti. Želimo Vam da u ovu školsku godinu krenete s osmijehom na licu i optimizmom, a završite s uspjehom i dobrim rezultatima.

Posebnu dobrodošlicu želimo prvačićima, koji prvi put sjedaju u školske klupe, uz želju da im ulazak u učionice i školske klupe bude zadovoljstvo i prelijep put u jedan poseban dio njihovog života, a da škola postane mjesto radosti, druženja i sreće.

Dragi roditelji, još jednom se pokazalo da je vaša uloga u odgoju i obrazovanju vaše djece nezamjenjiva, tako da u novoj školskoj godini nastavljamo timski raditi u najboljem interesu djece, uz želju da se ispune sva vaša očekivanja.

Prosvjetnim radnicima, koji su u ovim specifičnim okolnostima pokazali da imaju jednu od najodgovornijih i najljepših uloga u životima novih generacija, želimo da i dalje svojim radom i primjerom nastave prenositi nova znanja, otvarati nove puteve i vidike, te odgajati djecu u uzorne građane i iskrene prijatelje.

S poštovanjem,

DOSTAVLJENO:

1 x Naslovu

1 x a/a, 03

MINISTAR
Prof. dr. Spahija Kozlić